



**Arnoldi Corvini â Belderen, Batavi, Jcti quondam  
Consummatissimi, Consilarii Electoralis & Professoris  
Moguntini Publici, &c. Tractatus Geminus De Personis  
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice  
locupletissimo instructum

De personis ecclesiasticis

**Corvinus van Beldern, Arnold**

**Francofurti ad Moenum, 1708**

**VD18 10184902**

De Confirmatione. Tit. 8

---

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

Postulatio quoque Abbatum aut aliorum Inferiorum, non est vere & proprie Postulatio, sicut Episcoporum; Illi namque eligi possunt, etsi alteri alligati sint Ecclesiæ; quamvis sine licentiâ, per postulationem non solemnem aut propriam implorata, migrare non possint. *Barbosa de univ. jur. Eccles. lib. 1. cap. 19. num. 15. cum seq.*

*Nominatio* accipitur tripliciter: *Primò*; quando aliquis proponitur à Collegio, ut, si iudicatus fuerit dignus, eligatur: & nullum in hac acquiritur Jus: *de qua in c. quod sicut. de elect.* *Secundò*; quando Electores secretò aliquem nominant in chartula; *de qua in c. si quis iusto. ad fin. eod. in 6.* & hac nec aliquod acquiritur Jus, etiam scrutiniò publicato; non tamen variare possunt Electores; sed bene, antequam publicetur Nominatio. *c. publicato. de elect.* *Tertio*; quando duo vel tres digniores à Collegio nominantur, & offeruntur Superiori, ut quem maluerit confirmet; & in hac, licet non acquiratur jus nominatis; non tamen datur variatio oblata nominatione Superiori. *Barbos. 3. loc. num. 17.*

## TITULUS IIX.

### De Confirmatione.

#### SUMMARI A.

- |   |  |
|---|--|
| 1. Episcopus à non Superiore suo Electus confirmandus.    | 5. Confirmantis quod officium.                     |
| 2. Confirmationem precedere debet consensus, tres menses. | 6. Confirmatus quid facere debeat.                 |
| 3. Confirmatio quid.                                      | 7. Confirmatio quam adferat auctoritatem Episcopo. |
| 4. Confirmandi jus quis                                   |  |



1 **E**pisopus ab alio quam à Superiore suo electus, post præstitum Electioni de se factæ consensum, à Superiore confirmari debet. *c. postquam. 3. c. nihil est. 43. de elect.*

2 Consensum debet intra mensem à præsentatione electionis præstare, quo elapso redditur Electio nulla; ne scilicet diu differatur Ecclesiarum proviſio. *c. quam sit. 6. eod. in 6. Rota decis. 7. de elect. in Nov.*

3 Quare etiam olim Confirmationem (Quæ est juris per Electionem quaesiti corroborativa declaratio) intra à consensu præstito menses tres, in ipſo facto jure per electionem quaesito privari velit, *d. c. quam. 6. ibi, electio eadem eo ipſo jure vacuetur. Petr. Gregor. de re benef. cap. 25. num. 12. Gonzal. ad reg. 8. Cancell. gloss. 15. num. 5. Divion. in prax. Jurispr. lib. 5. cap. 5. num. 5. in ult. impress. Cochier. in reg. Cancell. Gloss. 2. post. num. 13. vers. septimus. petere debebat. d. c. quam sit. Menoch. de arbitr. cas. 477. Azor. inst. moral. par. 2. lib. 3. cap. 20. quest. 10. Lavor. var. lucubrat. tom. 1. tit. 4. cap. 25. num. 34.*

Sufficiebat tamen Electi amicum, ejus nomine, etiam absque mandato, petere Confirmationem; modo Electus ratum haberet infra illos tres menses. *d. c. quam sit. & ibi Gloss. verb. petere. vers. sed pone. Tyraquel. de pænis temper. causa. 22. num. 37. Azor. d. cap. 29. qu. 11.* Etenim omninò debebat fieri rati habitio intra terminum ad acceptandum datum. *Covarr. var. resolut. lib. 3. cap. 16. num. 5. Barbosa de univ. jur. Eccles. lib. 1. cap. 9. num. 8.*

Computabantur isti tres menses prout occurrunt in Calendario; quando enim lex vel statutum concedens mensem, disponit à quo tempore incipere debeat; verbi gratia, à die Electionis, vel à die assignanda per Judicem; tunc accipitur mensis, prout occurrit in Calendario, & quod ex uno mense defuit, accipitur de sequenti. *d. c. quam sit. & ibi Gloss. verb. mensem. Menoch. de arbitr. casu 50. num. 21. Gonzal. ad d. reg. 8. gloss. 11. num. 7. Garcias de benef. part. 10. cap. 2. num. 42. cum seq. Barbosa d. cap. num. 4.*

Postea à Nicolao III. (decretum Gregorii X. quo spatium concedebatur Electo trimestre, *d. c. quam sit. contrahente*) constitutum,



*c. cupientes. 16. eod. in 6.* si dignitatis Confirmatio immediate petenda à Pontifice; ut Electus in persona, aut, si legitime impeditus, per Procuratorem, intra mensem, à die habitæ notitiæ, sed certæ & indubitata, vel dati consensus, iter ad Sedem Apostolicam arripiat; intra tempus, pro itineris longinquitate moderandum, eò perveniat; ubi pervenit, intra dies quindecim cum actis, juribus, (id est, rationibus circa factum consistentibus) & munimentis, se coram ea sistat, aut impedimentum proponat; illud intra alios quindecim dies probet; ne jure ex electione quaesito privari velit.

Episcopum ritè Electum confirmabat antiquo Jure, quo Cathedralis Ecclesiæ Canonicis Episcoporum competeat Electio; non solum Romanus Pontifex, verum etiam Metropolitanus, vel Patriarcha superior. *c. quoniam. dist. 100. c. cum dilectus. 32. de elect. c. cupientes. in princ. per locum à speciali. ord. in 6. Bian. de direct. elect. part. 3. cap. 43. num. 6. Petr. Gregor. ad tit. de elect. cap. 19. num. 10. Layman. de Eccles. Pralat. elect. cap. 15. qu. 162.* Nam Capitulum mittebat Metropolitanus, seu alteri Superiori literas sigillo suo & singulorum munitas, ac per Canonicos subscriptas, (*decretum* appellabant) in quibus electio facta narrabatur seriatim, & petebatur, sub forma à Speculatore *tit. de elect. §. 1. vers. celebrata igitur.* tradita, Confirmatio. *Barbos. d. loc. num. 6.*

Confirmabat Pontifex tantum Episcopos, in Ecclesiis Sedi Apostolica immediate subjectis electos, *c. cum Ecclesia Sutrina. de caus. poss. & propriet. & ibi Imol. Ripa. Card. Robuff. vel quorum Confirmatio aut Infirmatio per appellationem ad eandem devolvebatur Sedem. d. c. cupientes. in princ.* Metropolitanus & Patriarcha, regulariter Electos Episcopos sibi subjectos. *arg. can. 1. dist. 64. c. nosti. de elect. c. 1. de transl. Episc. Gloss. in can. 1. dist. 100. Abb. in c. cum Ecclesia. num. 8. de elect.*

Nunctora potestas confirmandi Episcopos est soli Pontifici reservata. *vigore reg. 2. alias 3. Cancell.*

Quo circa sive à Dynastis nominentur, sive eligantur à Capitulo, à Pontifice exposcere debent Confirmationem. Cui tamen est liberum, Archi-Episcopo vel alteri alicui prædictam committere potestatem. *Strycin. in sum. Jur. Canon. part. 1. tit. 7. §. 3. num. 1.*

Confir-

Corvillus  
De Personis  
Beneficiorum  
G IV  
32



5 Confirmans diligenter debet inquirere in vitam, mores, qualitates Electi. *can. de Petro dist. 47. c. 2. c. cum è nobis 19. de elect.*

Quare in Concilio Carthagenensi V. relato in *can. qui Episcopus. 2. dist. 23.* traditus fuit modus, & forma examinis, & inquisitionis faciendæ. Novissimè emanavit, jussu Urbani II X. circa conficiendos processus inquisitionis istius, particularis instructio. *quam vide apud Barbosa d. lib. 1. cap. 8. num. 141. cum seqq.*

Formato secundum dictam instructionem processu, fit juxta formulam à Pio IV. in *constit. succ. incip. In sacrosancta. Idib. Novemb. 1564. ut in Bullario novo. tom. 2. pag. 128. & apud Quarant. in sum. Bullaris. verbo: fidei professio. & Leon. in thesauro for. Eccles. par. 2. cap. 10. num. 15. Novar. in sing. Canon. concl. 114. num. 4.* præscriptam, *Fidei professio*: Dictæ professionis fit instrumentum à Notario: Ei, ut & toti processui, subscribit Cardinalis relator: quo factò, fit in primo Consistorio præconizatio, electionis vicem habens: In Consistorio secundo fit positura, & transmittitur scedula pro reassumptione positura in prima præconizatione transmissa, quæ præconizatio secunda vim habet confirmationis: & demum fides provisionis Apostolicæ transmittitur à Cardinale Ponente ad Cardinalem Vice-Cancellarium. *Barbosa d. lib. cap. 9. num. 10. cum seqq.*

6 Episcopus statim ac intellexit se à Summo Pontifice in Consistorio confirmatum, vestes induere debet Episcopales, & si præsens sit in Curia, ipse; sin absens, per litteras gratias agere Pontifici nec non Cardinalibus, usque se suamque Ecclesiam commendare. *Castald. in praxi ceremon. lib. 1. sect. 10. cap. 2. num. 10.*

Debet etiam Ecclesiæ vel Capitulo exhibere Confirmationis testimonium scriptum: antea nec recipi, nec ullis potest gaudere proventibus; recipientes absque litteris Apostolicis, suspenduntur. *c. in juncta. 1. de Elect. Extrav. comm. Quaranta verbo Beneficiorum possessio.*

Quamobrem, secundum Curia Romanæ consuetudinem, Confirmationis expediri solent Bullæ, imò & ante eas expeditas, post propositionem promovendi in Consistorio sæpè propter necessitatem, ne Ecclesiæ vacans detrimentum aliquod patiatur ex mora, concedi solet ad posses-



possessionem capiendam Breve. *Piascius in praxi Episcop. pag. 15. al-  
leg. Staphil. de Rescript. in forma Brevis tit. 2. num. 3.*

Accepta, sive per *Bullam*, sive per *Breve*, possessione, Episcopus, 7  
licet nondum consecratus, plenam adipiscitur jurisdictionem; omnia-  
que exercere & perficere potest, quæ jurisdictionem concernunt Epi-  
scopalem; cujusmodi sunt excommunicare, suspendere, interdicere,  
visitare, corrigere, punire, Synodum convocare, beneficia conferre,  
Ecclesias minores conjungere, annectere, dividere, voti & juramenti  
vincula solvere, quorundam peccatorum absolutiones sibi reservare,  
*c. transmissam. 15. c. nostr. 9. c. qualiter. 17. de elect. c. inter corporalia. de  
translat. Episcop. Sanch. de matrim. lib. 8. disp. 2. num. 11. Lavor. var. lu-  
cubr. tom. 1. tit. 4. cap. 25. num. 3. Barbof. de off. & potest. Episc. part. 1.  
tit. 1. cap. 1. num. 14. & cap. 4. num. 7. indulgentias concedere. Felix.  
in c. eam te. num. 5. de rescript. Navar. de indulgent. notab. 31. num. 3. Ze-  
rota. in prax. Episc. v. indulgentia. part. 1.*

Distribuit *indulgentias*, non ex commissione Pontificis, ut vult  
Durandus; *D. 20. qu. 5.* sed ratione muneris sui. Etenim ut Romana  
Ecclesia respectu aliarum est principalis, sic alia quælibet quidam parti-  
culares sunt certus & respublicæ, quibus Episcopi præsident, ut Princi-  
pes; & ut tales communem illum thesaurum dispertiant subditis. *fac.  
cap. quod autem. & c. cum exco. de penit. & remiss. Steinius in sum. Jur.  
Can. d. p. 1. tit. 7. §. 3. num. 4.*

Præterea Episcopi Electi & Confirmati, sed nondum Consecrati,  
non comprehenduntur statuto generali, vel interdicti aut suspensionis  
sententia; nisi expressa eorum facta sit mentio: *c. quia periculosum. 4.  
de sent. excom. in 6. Suar. de cens. tom. 5. disput. 28. sect. 2. num. 6. Lay-  
man. in Theol. moral. lib. 1. tract. 5. part. 3. cap. 1. num. 2.* possunt habere  
altare portatile: *c. ult. de privil. in 6.* sibi sine superiorum licentia elige-  
re Confessorem: *c. ult. de penit. & remiss. Suar. tom. 4. disp. 27. sect. 2.  
num. 5. Barbof. Jur. Eccles. lib. 1. cap. 9. num. 25.* Illorum causæ hære-  
sis reservantur Papæ: *Roderic. à Cuccha in tract. de Confess. sollicitant. mu-  
lieres in confess. qu. 12. num. 11.* non possunt sine Papæ licentia renun-  
tiare Episcopatu. *c. 2. ibi & sic electus confirmatus, de translat. Episcop.*  
P Valer.

Corvinus  
De Personis  
Beneficiorum

G IV

72



*Valer. Reginald. in praxi fori pœnit. lib. 30. tract. 3. num. 331. Suar. tom. 3. de Relig. lib. 1. cap. 20. num. 1. Barbof. d. loc. num. 27.*

Non confequuntur ea quæ sunt Ordinis: *d. c. transmissam. 15. ubi Gloss. fin. c. noſti. 9. c. quod ſicut. 28. §. præterea. de elect. c. quamvis Chor-episcopis. diſt. 58. Rebuff. in praxi benef. tit. formam vicariatus. à num. 3. Cucch. in Inſt. Major. tit. de consecrat. Episc. à num. 9. tit. de Episcopo. à num. 21. lib. 2. ab Episcopatu repelli poſſunt, ſi fiant inhabiles: Joa. Andr. Butr. Card. & Imol. in c. ex parte. de Cleric. egrot. Nav. in c. ſi quando exceptio. 10. num. 13. de reſcript. Episcopi dicuntur improprie: Felin. in c. eam re. num. 1. & 3. eod. Cucch. lib. 4. tit. 5. num. 38. Eos percutientes Bullæ in cænas Domini non incurunt excommunicationem: Nav. in manual. cap. 27. num. 67. verſ. octavo. Barbof. de poteſt. Episc. part. 1. tit. 1. cap. 4. num. 10. in Miſſa dicere non poſſunt. Sit nomen Domini benedictum: Imol. inc. avaritia. de elect. in 6. & ibi Gemin. cognitionem negotiorum graviorum merentium degradationis poenam, cognitionem non habent: Abb. in d. c. transmissam. num. 4. de elect. Abb. in c. at ſi Clerici: num. 20. de judic. Sarmient. lib. 1. ſelect. cap. 14. num. 9. Civitas occidens illos non privatur dignitate Episcopali: Covarr. lib. 2. var. reſolut. cap. 8. num. 10. verſ. his omnibus Mandof. ad reg. Cancell. 8. Gonzal. ad d. reg. Gloss. 9. §. 5. num. 27. à Vicario Archi-Episcopi Metropolitanani poſſunt ſuſpendi, interdici, excommunicari: c. 1. §. Officiales. de offic. Ordin. Barbof. d. loc. num. 33.*

## TITULUS IX.

## De Conſecratione.

## SUMMARI A.

- |                                      |                                       |
|--------------------------------------|---------------------------------------|
| 1. Conſecratio qua tribuat Episcopo. | 3. Intra quod tempus petenda.         |
| 2. Cur Ei neceſſaria.                | 4. Quando trimembre currere incipiat. |

5. Con-